



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-49-1-445-14/16
Datum: 18.05.2016.godine

Na osnovu člana 70.stav (1) i (3) te člana 25. Zakona o javnim nabavkama Bosne i Hercegovine ("Službeni glasnik BiH", broj: 39/14), i Zapisnika o pregledu i ocjeni ponuda od 17.05.2016.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za usluge u predmetu nabavke "Deminiranje miniranih površina na općini Tešanj" po cijeni od 138.099,26KM (slovima: stotintridesetosamhiljadadevedesetdevet i 26/100 konvertibilnih maraka) bez uključenog PDV-a odnosno sa PDV-om 161.576,13KM (slovima: stotinušesdesetjednahiljadapetstotinasedamdesetšest i 13/100 konvertibilnih maraka) je ponuda ponuđača DOK -ING DEMINIRANJE N.H.O. Pale.

II

Ponude su dostavljene u otvorenom postupku javne nabavke koji je objavljen na Portalu javnih nabavki dana 07.04.2016.godine pod brojem:375-1-2-60-3-21/16, obavještenje o nabavci objavljeno u Sl.-glasniku BiH broj:27/16 dana 15.04.2016.godine, kriterij za dodjelu ugovora je najniža cijena.

III

Obavezuje se izabrani ponuđač da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponude Udruga "PAZI MINE" Vitez, "N&N IVŠA" Orašje, NVO "STOP Mines" Pale i "DEMIRA e.V" d.o.o Orašje odbacuju se kao nepotpune iz razloga što ponuđači uz ponudu nisu dostavili tražene dokumente odnosno dostavili su nepotpunu dokumentaciju.

V

Za realizaciju Odluke zadužuje se Služba za civilnu zaštitu općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

O b r a z l o ž e n j e

Aktom broj:02-49-1-445-2/16 od 04.03.2016.godine Općina Tešanj je donijela Odluku o provedbi postupka javne nabavke za usluge "Deminiranje miniranih površina na općini Tešanj". Odabran je otvoreni postupak, koji je objavljen na Portalu javnih nabavki dana 07.04.2016.godine pod

brojem:375-1-2-60-3-21/16, Sažetak obavještenja o nabavci objavljen u Sl.glasniku BiH broj:27/16 dana 15.04.2016.godine, kriterij za dodjelu ugovora je najniža cijena. U ostavljenom roku za dostavu ponuda pristiglo je 7 ponuda kako slijedi: Ponuda "DETEKTOR"d.o.o Banja Luka, Ponuda "DEMIRA e.V" d.o.o Orašje, Ponuda NHU "DOK-ING Deminiranje" Pale, Ponuda "UEM" d.o.o. Hadžići, Ponuda Udruga "PAZI MINE" Vitez, Ponuda "N&N IVŠA" d.o.o Orašje i Ponuda NVO "STOP MINES" Pale.

Komisija za javne nabavke imenovana rješenjem Općinskog Načelnika broj:02-49-1-445-3/16 od 05.05.2016.godine izvršila je dana 11.05.2016.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da 3 (tri) ponude formalno ispravno (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Komisija je izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda:

1. NHU "DOK-ING Deminiranje" Pale
2. "UEM" d.o.o. Hadžići
3. "DETEKTOR"d.o.o Banja Luka

Komisija je kod ocjene ponuda takođe utvrdila da 4 (četiri) ponude nisu formalno ispravne i da ne sadrži dokumentaciju koja je tražena tenderskom dokumentacijom kako slijedi:

- Ponuda ponuđača Udruga "PAZI MINE" Vitez- ponuda nije čvrsto uvezana, tj. dostavljena je bez plastične fascikle sa mehanizmom koji se neometano otvara. Način dostave ponude regulisan je tačkom 15. tenderske dokumentacije, koja kaže "Ponuda se čvrsto uvezuje na način da se onemogućiti naknadno vađenje ili umetanje listova. Čvrsto uvezanom ponudom smatrat će se ponuda sa provučenim i opečaćenim jamstvenikom, odnosno uvezana na način da se onemogućava neovlaštena izmjena ponude (naknadno umetanje ili zamjena listova ponude). Ponuda se NEĆE smatrati čvrsto uvezanom ukoliko bude dostavljena u plastičnoj fascikli (ili bez plastične fascikle) sa mehanizmom koji se neometano otvara. Predmetna ponuda je dostavljena bez plastične fascikle, bez jamstvenika sa mehanizmom koji se nesmetano otvara.

- Ponuda ponuđača "N&N IVŠA" Orašje, ne sadrži kopiju potvrde za aktivan račun kod NLB banke, tačkom 13.2.2. tenderske dokumentacije je propisno da se dostave "obične kopije Potvrda svih banaka kod kojih ponuđač ima otvoren račun, da račun nije blokiran u posljednjih 6 (šest) mjeseci (ne stariju od 3 (tri) mjeseca od dana dostavljanja ponude, a iz potvrde Centralne banke je vidljivo da ponuđač ima otvoren transakcijski račun i kod NLB banke; i - Izjavu potpisanu i ovjerenu od strane ponuđača/kandidata kojom se ponuđač obavezuje da će obezbjediti uvjerenje (certifikat) o izvršenim radovima deminiranja, što je regulisano tačkom 13.3.1. pod c) tenderske dokumentacije.

- Ponuda ponuđača NVO "STOP Mines" Pale, ne sadrži kopiju potvrde za aktivan račun kod Hypo Alpe Adria banke, tačkom 13.2.2. tenderske dokumentacije je propisno da se dostave "obične kopije Potvrda svih banaka kod kojih ponuđač ima otvoren račun, da račun nije blokiran u posljednjih 6 (šest) mjeseci (ne stariju od 3 (tri) mjeseca od dana dostavljanja ponude, a iz potvrde Centralne banke je vidljivo da ponuđač ima otvoren transakcijski račun i kod Hypo Alpe Adria banke; i - Izjavu potpisanu i ovjerenu od strane ponuđača/kandidata kojom se ponuđač obavezuje da će obezbjediti uvjerenje (certifikat) o izvršenim radovima deminiranja, što je regulisano tačkom 13.3.1. pod c) tenderske dokumentacije.

- Ponuda ponuđača "DEMIRA e.V" d.o.o Orašje, ne sadrže Izjavu potpisanu i ovjerenu od strane ponuđača/kandidata kojom se ponuđač obavezuje da će obezbjediti uvjerenje (certifikat) o izvršenim radovima deminiranja, što je regulisano tačkom 13.3.1. pod c) tenderske dokumentacije.

Ponude Udruga "PAZI MINE" Vitez, "N&N IVŠA" Orašje, NVO "STOP Mines" Pale i "DEMIRA e.V" d.o.o Orašje su u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačene, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-445-13/16 od 17.05.2016.godine), da se u predmetu javne nabavke usluga za "Deminiranje miniranih površina na općini Tešanj", donese Odluka o izboru

najpovoljnijeg ponuđača i da se kao najbolje ocijenjena prihvatljiva ponuda za usluge u predmetu nabavke, određuju ponuda NHU "DOK-ING Deminiranje" Pale, te da se sa istim zaključi ugovor u skladu sa ponudom navedenog ponuđača za usluge predmetne nabavke, te je ugovorni organ odlučio kao u tački I ove Odluke.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđačima x 7,
2. Služba za civilnu zaštitu,
3. Predmet.

suad



Suad Huskić
OPĆINSKI NAČELNIK
mr.sc. Suad Huskić, profesor